

普洱府志稿卷之十九

食貨志六

物產

自昔羽毛齒革夏貢成書園廛漆林周官有制是土產不僅為民生日用所關亦且為

國家財用所繫也普洱物產豐饒鹽茶榷稅之利甲於滇南木棉蘆蓐諸物頗資貿遷至珍禽奇獸雖為

聖代所不貴而閒有瑰奇之非恆產者亦從實紀之以見地不愛寶焉

普洱府

普洱府志稿

卷之十九

食貨志六

物產

一

甯洱縣

紫米 他郎廳志紫色圓顆碎者蒸之其粒復續故名接骨米闔府俱產郎屬為最

鹽 王鴻緒明史藝威遠境內有河汲水鍊炭上即成

鹽無秤斗以竹蓐計多寡量之檀萃滇海虞衡志甯

洱有鹽紅而甘殆飴鹽也蓋生於戎地人即謂之為

戎鹽又他郎廳屬猛野井產水晶鹽六方八方不等

晶瑩透明故名水晶有以大塊作杵白者色味甚佳

今經封閉又石膏井產石鹽紅礦中亦有水晶鹽

茶 檀萃滇海虞衡志普茶名重於天下出普洱所屬

六茶山一曰攸樂二曰革登三曰倚邦四曰莽枝五
曰蠻崙六曰慢撒周八百里入山作茶者數十萬人
茶客收買運於各處普茶不知顯於何時宋自南渡
後於桂林之靜江軍以茶易西蕃之馬是謂滇南無
茶也頃檢李石續博物志云茶出銀生諸山採無時
雜椒薑烹而飲之普洱古屬銀生府則西蕃之用普
茶已自唐時宋人不知猶於桂林以茶易馬宜滇馬
之不出也李石志記滇中事頗多足補史缺云茶山
有茶王樹較五茶山獨大本武侯遺種至今夷民祀
之倚邦蠻崙茶味較勝思茅廳採訪茶有六山倚邦

普洱府志稿

卷之十九

食貨志六

物產

二

架布峭崆蠻磚革登易武氣味隨土性而異生於赤
土或土中雜石者最佳消食散寒解毒二月間開採
葉極細而白謂之毛尖採而蒸之採爲茶餅其葉少
放而猶嫩者名芽茶採於三四月者名小滿茶採於
六七月者名穀花茶大而圓者名緊團茶小而圓者
名女兒茶其人商販之手而外細內麤者名改造茶
將採時預擇其內之勁黃而不捲者名金月天其固
結而不解者名挖搭茶味極厚難得種茶之家芟鋤
備至旁生草木則味劣難售或與他物同器卽染其
氣而不堪飲

鄧中儀徵阮福普洱茶記普洱茶名遍天下味最醜京師尤重之福來滇稽之

雲南通志亦未得其詳但云產攸樂革登倚邦莽枝
蠻崙慢撒六茶山而倚邦蠻崙者味最勝福考普洱
府古為西南夷極邊地歷代未經內附檀萃滇海虞
衡志云嘗疑普洱茶不知顯自何時宋范成大言南
渡後於桂林之靜江軍以茶易西蕃之馬是謂滇南
無茶也李石續博物志稱茶出銀生諸山採無時雜
椒薑烹而飲之普洱古屬銀生府則西蕃之用普洱
已自唐時宋人不知猶於桂林以茶易馬宜滇馬之
不出也李石亦南宋人本朝順治十六年平雲南
那酋歸附旋叛伏誅編隸元江通判以所屬普洱等
處六大茶山版納地設普洱府並設分防思茅同知
駐思茅思茅離府治一百二十里所謂普洱茶者非
普洱府界內所產蓋產於府屬之思茅廳界也廳界
有茶山六處曰倚邦曰架布曰曙崆曰蠻磚曰革登
曰易武與通志所載之名互異福又檢貢茶案册知
每年進貢之茶例於布政司庫銅息項下動支銀一
千兩由思茅廳領去轉發採辦并置辦收茶錫瓶緞
匣木箱等費其茶在思茅本地收取鮮茶時須以三
四勛鮮茶方能折成一勛乾茶每年備貢者五勛重
團茶三勛重團茶一勛重團茶四兩重團茶一兩五

普洱府志稿

卷之十九

食貨志六

物產

三

錢重團茶又瓶盛芽茶藥茶匣盛茶膏共八色思茅
同知領銀承辦思茅志稿云其治革登山有茶王樹
較眾茶獨高大土人當採茶時先具酒醴禮祭於此
又云茶產六山氣味隨土性而異生於赤土或土中
雜石者最佳消食散寒解毒於二月間採藥極細而
白謂之毛尖以作貢貢後方許民間販賣採而蒸之
揉為團餅其葉之少放而猶嫩者名芽茶採於三四
月者名小滿茶採於六七月者名穀花茶大而圓者
名緊團茶小而圓者名女兒茶女兒茶為婦女所採
於雨前得之即四兩重團茶也其入商販之手而外
細內麤者名改造茶將揉時預擇其內之勁黃而不
捲者名金月天其固結而不解者名挖搭茶味極厚
難得種茶之家芟鋤備至旁生草木則味劣舊志茶
難售或與他物同器則染其氣而不堪飲矣

樹似紫薇無皮曲拳而高葉尖而長花白色結實圓

勻如枏櫚子蒂似丁香根如胡桃土人以茶果種之

數年新株長成葉極茂密老樹則葉稀多瘤如雲物

狀大者制為瓶甚古雅細者如栲栳可為杖甚堅
蘆子 舊雲南通志出普洱思茅廳採訪出整罕山芳
香異於元江等處所產者一名蒟一名扶留藤其葉
名萇

金 他郎廳採訪他郎新開坤勇廠採金

銀銅鉛 思茅廳採訪俱出白馬乾溝蠻丹等山廠以
地近邊徼曾禁開採光緒閒京銅供運不敷如白馬
廠亦偶開採但礦苗稀少旋開旋封威遠廳採訪威
遠有跨山銅可試採

刀 舊志出產里鍊鐵而成可屈鋒極犀利大小不一
普洱府志稿 卷之十九 食貨志六 物產 四
有每柄值白金十數兩者

石青 一統志出普洱舊雲南通志出白龍廠

鍮石 檀萃滇海虞衡志銅之精者出車里土司

象牙 逸周書王會解產里象齒雀豹古今注越裳氏
重譯來貢象牙一

大綠 舊志出甯洱白龍廠思茅乾溝廠亦偶有之

文石 舊志出西山龍洞

水晶 舊志產五里坡外威遠地深澗中尖頭六方大

小參差如笋叢生

綠璫 舊志產仰廣河山澗中

芭蕉膽 舊志形圓如珠白色晶瑩產產里大芭蕉本
中

石螺 舊志產龍洞石中儼然白螺

龍鬚石 舊志中空貯水數合有以爲硯水缸者頗古
雅產威遠地

蕪菜 他郎廳志菜梗中空香甘適口

甜筍 他郎廳採訪味清香而甜

打鑼槌 思茅廳採訪一名龍鱗果打鑼槌葉似珠蘭
而厚勁寬寸許長尺餘邊有刺如鋸實自苗中出皮
紋鱗起熟時色黃大於盃而少長若槌然故名味甚

普洱府志稿 卷之十九 食貨志六 物產 五

美刈而插於瓶香可月餘頂有叢芽分種之無不生
者

波羅密 李時珍本草綱目生威遠九龍江猛地及交
趾南蕃諸國今嶺南亦有之樹高五六丈類冬青而
黑潤倍之葉極光淨冬夏不凋樹至斗大方結實不
花而實出於枝間多者十數枚少者五六枚大如冬
瓜外有厚皮包之若栗毬上有軟刺礪礪五六月熟
時顆重五六觔剝去外皮殼內肉層疊如橘囊食之
味極甘美如密香氣滿室一實凡數百核核大如棗
其中仁如栗黃煮炒食之甚佳思茅廳採訪樹大數

圍枝葉蔓延不花而實實不結於枝而綴於幹大如瓜而長形質類楊梅熟則內如瓜瓢以匕箸食之味香甘中有子數十粒如棧豆可煮食

佛手柑 思茅廳採訪他處佛手柑多拳曲而小惟出思茅者最大扁闊如人手掌指皆歧出長數寸有掌內復生一掌者有疊出至三四層者味極香甘

繡球果 思茅廳採訪籐長數十丈蟠於大樹實離離

下垂圓如球大如五斗盎分十餘格格皆六方紅紫白綠相間內有汁合許甜如蜜

案此果與椰實大格亦名櫓罟子四屬山箐深處皆有

普洱府志稿 卷之十九 食貨志六 物產 六

緬石榴 思茅廳採訪樹如紫薇葉稍大而青背赤白

花其實似林檎生則綠熟則白肌肉酥軟味甘子細如沙在泥依稀難辨亦名交趾果

樹頭酒 思茅廳採訪形類草果而甚大外有皮包裹

中有核如瓠色黑或有圓有方以及三稜四稜者不等剖之而酒出焉土人謂之天酒遇佳客至以之相待味甚甘美其核堅硬異常可鏤作飲器甚古雅亦

名青田核九龍江邊外南掌邊羅緬甸諸國亦有之

芭蕉果 舊志有鳳尾淨瓶緬蕉公蕉各名惟甘蕉結實最甘子黑似椒而稍大一株結實百餘粒間有至

數百粒者故屋邊多種之

優曇鉢

舊志一名無花果味香甘可食四屬皆產

西番柿

舊志一名五子登科味香甘可食四屬皆產

楸

舊志一名鹽霜木有果可食

柎

舊志一名牛筋木有果可食

救軍糧

舊志香甘可食解饑

十年果

舊志香甘可食

特乃子

舊志產威遠有羊乳味俗名羊奶果車里產

者大如卵產普洱者差小

方荔枝

舊志出普洱

普洱府志稿

卷之十九

食貨志六

物產

七

檇棗

舊志四屬俱有味類牛乳俗呼為牛奶姊

攀枝花

思茅廳採訪木本類刺桐大者合抱花如齒

莖鮮紅色結實類胡桃土人取實暴日中其殼自開

吐緒如絲瑩白可愛以之夾枕褥性極溫煖但不受

紡織惟炎鄉瘴域多有之若稍寒之地種植不生

大樹棉花

思茅廳採訪樹高大其花潔白與產於中

土者無二夷人謂之暹花

棉

舊志產四屬係草本而猛住車里地方尤多

篾鼓墩

舊志四屬夷人所織

娑羅布娑羅紗

舊志四屬夷人所織皆有紋可愛

織金首帕 舊志夷人織五色金彩鮮明可愛

掛蘭 他郎廳志一名風蘭不上而生於懸巖花淡紅色取掛於當風處其花自開而經久

串枝蓮 舊志車里產串枝水蓮花有金邊紅黃白數種實為世所罕見

鳳仙花 舊志產普洱有深紅淡紅藍色白色數種藍者罕見

子午蓮 舊志產普洱一名五子蓮子兩時開花可月餘始萎

火蠅樹蚊子樹雙飛燕孤飛燕睡蘭賽蘭 威遠廳採

普洱府志稿 卷之十九 食貨志六 物產 八

訪皆蘭屬竝威遠廳出

董棧 他郎廳志中有白粉香甘可食削其材可為箸

謹案董棧即枕椰見楊慎卮言

繡球香 他郎廳志出治後山焚之馨香能避除煙瘴

之氣

薏苡 舊志一名陸穀米治水腫溼痺脚氣疝氣泄痢

熱淋

覆盆子 舊志一名插田蕪紫者為紫苞狀如覆盆故名李時珍本草綱目平補肝腎又治肺氣虛寒澤肌

膚烏髭髮

筋骨草 〔滇南本草〕味甘辛無毒普濟方治反胃嘔吐
消腫舒筋接骨癰瘡疥癩五勞七傷跌打損傷筋斷
骨折用酒調敷患處枝葉煨湯點酒服三劑即愈生
於山谷閒高僅尺餘莖圓葉尖有齒花開黃色子結
三稜如茂麻子五月五日採取暴乾爲末治風溼寒
熱手足拘攣脚氣麻木調治每服三錢其效如神
矮陀陀 〔滇南本草〕綠葉綠梗黑根生在朝陽之處溪
水之邊冬不凋春不再茂新鮮時梗內有白漿心細
如菊花形結黑子年久根上結瓜黃花有毒不可入
服白花第一紫花次之治病甚多

普洱府志稿

卷之十九

食貨志六

物產

九

木漿子 〔舊志〕味辛其莖暴乾而燒之可辟煙瘴蚊蠅
毒蟲

薜蘿 〔舊雲南通志〕乃芎藭苗一名江蘿俗名旱芹又
名川芎

蒸精草 〔舊志〕葉似火草大而有毛暴乾燉膏治筋骨
用產甯洱屬灣腰塘及他郎之老蒼坡

芸香草 〔舊雲南通志〕治療用產四屬似韭葉肥大爲
佳一名山礬一名七里香

蘆薈 〔舊雲南通志〕出普洱

蒼耳子 〔舊雲南通志〕出普洱

神黃豆

一統志稀豆藥中用之有虎尾鼠尾二種鼠

尾尤佳產四屬檀萃滇海虞衡志永昌亦有以普洱

爲佳浙友每言痘疹流行但得神黃豆一粒迎之供

養所過之街痘疹不作已作者無不安穩無天殞者

鄒經元客普洱言此豆樹爲神農手種只一株近南

海邊有天生石城城無居人惟神黃豆樹樹極高大

一年開花一年結實實後役三百人往行三月始抵

樹樹豆角已滿拋石擊之紛紛落地收載而歸非大

力者不能主此役也角圓而輕長三四尺每節一豆

思茅廳採訪豆有二種春華秋實大樹者葉大花紅

普洱府志稿

卷之十九

食貨志六

物產

十

豆長尺餘大而圓名虎尾小樹者葉細花黃豆長三

寸餘細而圓名鼠尾

汞草

舊雲南通志產普洱四屬有大毒可以煮銅錢

成銀金剛鑽樹漿亦然

木香

檀萃滇海虞衡志出南掌暹羅車里土司車里

古產里也名早見周書王會今屬普洱

真降香

舊雲南通志出普洱

沈香

檀萃滇海虞衡志出車里土司

乳香

檀萃滇海虞衡志出老撾土司老撾今名南掌

在九龍江外

西木香 檀萃滇海虞衡志亦出老撾交趾在東故此爲西也

烏爹泥 李時珍本草綱目出南蕃瓜哇暹羅諸國今雲南老撾莫雲場地方造之云是細茶葉末入竹筒中堅塞兩頭埋污泥溝中日久取出搗汁熬制而成其塊小而潤澤者爲上塊大而焦枯者次之

竹米 舊志產普洱香甘可食今粵西泗城府屬亦有之士人取以爲菜近有以獻大吏者大吏亦寶之

阿魏 舊志產自車里內地無之

杜若 舊志一名山薑味與食薑無異功用略同

普洱府志稿 卷之十九 食貨志六 物產 十一

珠子葳 舊志產普洱沿邊土人云甘平補人莖葉皆類人葳根皮質亦多相似而圓如珠故名麗江府奔子闌栗地坪亦產之在冬日感雷之區味苦而性燥遠不及人葳

白雉黑雉 韓詩外傳成王之時越裳氏重九譯而至獻白雉雀豹古今注越裳氏重譯來貢白雉一黑雉二檀萃滇海虞衡志白雉產滇南故左賦以配孔翠越裳氏貢之以表中國之有聖人則志滇禽而配乎孔雀鸚鵡者舍白雉而誰屬今滇多箐雞尾長二三尺毛白而尾閒雜細黑點或以爲白雉然白雉必全

身俱白無微玷方得稱之越裳氏之貢白雉猶王會篇蜀人之貢文翰必有異於中土未可執內地所有而議其貢之輕

短狗 逸周書王會解正南產里百濮請以象齒短狗爲獻孔晁注短狗狗之善者也

鸚鵡 後漢書西南夷傳鸚鵡出隴蜀而滇南交廣近海諸地尤多舊雲南通志普洱思茅威遠他郎一帶深林中多有之有生即能言者有教之而後能言竝能誦詩者檀萃滇海獻衡志鸚鵡多於金沙江邊五色俱備亦有白鸚鵡如畫觀音大士相隨者養之飼

普洱府志稿 卷之十九 食貨志六 物產 三

以番稻及松子其與孔雀皆文禽也

孔雀 後漢書西南夷傳滇多出孔雀司馬彪續漢書西南夷曰滇池出孔雀常璩華陽國志漢益州郡有鸚鵡孔雀檀萃滇海虞衡志孔雀出滇雀尾一屏值不高人家多列之凡今以翎爲冠飾比於古之貂蟬而以三眼爲尊故孔雀貴爲南方諸禽首然聞其血能殺人故梁王使阿禡殺其夫以孔雀膽一具范志謂民人或以鸚鵡爲鮓以孔雀爲腊以其易得豈腊孔雀不遇毒而鮓鸚鵡陋體腥臊亦勞鼎俎耶蘇恭謂孔雀廣有劍南楚無今雲南孔雀頗多則蘇言不

足信

鵝 舊志一名翡翠產普洱四屬南掌暹羅

白鷗 秋坪新語產普洱四屬徧身深碧映日作金色

而尾尖如劍首殊無眼且性獷野升屋穿樹見人輒匿或謂此其雌者其雄者狀類家雞尾禿首小而銳毛色微黃如乳鵝飲水啄粒無異常蓄及長長頸修翎鳥啄丹趾首翹朱冠目熒金彈徧身白質鱗潔如雪而黑章作水縐紋蹠縮然尾長數尺若曳匹練墨紋層疊宛若微波因風而潑洄鳴則嘯嘯如索鬪狀時飛鳴於巨樹暮則棲樹杪不去如加飼飲輒隨人後或迎於前蓋馴如也

普洱府志稿

卷之十九

食貨志六

物產

三

鵲 舊志產普洱四屬俗名點水雀

畫眉 舊志產普洱四屬有白畫眉土畫眉二種

練雀 舊志產普洱布固江邊谷麻阿墨魯馬江邊多有之俗名拖白練

桑扈 舊志產普洱深山林中俗名蠟嘴雀以其嘴深黃似蠟色故名

雁 檀萃滇海虞衡志雁滇南始未有黃夫人詩雁飛曾不到衡陽錦字何由寄永昌即升菴始於泛舟見新雁詩云忽見行行雁來應自故鄉天涯多少路雲

際幾番霜滇水饒葭茨禺山足稻梁金河爾休戀無限塞弦張則雁初入滇也今結陣聯行排空而至不知紀極矣然猶有去來也客某官於滇之西境見雁抱子將雛人過則負四子於背而飛幾以滇爲家古今地氣之異不能以常情論也又滇志云順治庚子冬鴻雁來分注謂雲南舊無鴻雁至是百十爲羣日數過皆西去自後皆有不見回據此則嘉靖中雁始至猶在昆池順治庚子雁大至徑往滇西而不復回則客言爲不爽矣不知羽翼既成更隨陽向別方否予在滇久秉鐸游普洱思茅澂江但見雁秋來而不

普洱府志稿

卷之十九

食貨志六

物產

四

聞春歸心竊訝之徵於此益信雁且安於滇不復回農部五六月間山箐溪河往往見之士人呼爲雁鵝以爲另有一種今合諸家參攷乃知本鴻雁也藏諸深箐人不能見夏暑仍在亦不他翔各處如農部者諒更多皆來而不回者也楊升菴謂由蜀至或然

虎 舊志出普洱沿邊地方光緒初年每當路傷人迺南道沈壽榕祭山捕之自是漸少

犀 舊志產自車里及南掌交趾

象 舊志產自車里及南掌交趾

窩泥豬 他郎廳志肉嫩味香

的的肉銀鼠有尾蟹十花魚 甯洱縣採訪並甯洱縣
出

滾山珠豹子魚花板魚竹丁魚汪絲魚 威遠廳採訪
並威遠廳出

巖羊 檀萃滇海虞衡志巖羊即山羊也得之頗難血
可入藥皮亦可揉然板厚以作坐褥可也

野豬 檀萃滇海虞衡志田豕也一名嬾婦豬如山豬
而小喜食禾田夫以機軸織絰之器挂田旁則不近
蜡祭迎虎爲其食田豕也

山豬 檀萃滇海虞衡志豪豬也其豪如箭能振撥以
普洱府志稿 卷之十九 食貨志六 物產 五

射人二三百爲羣以害禾稼山民苦之

兔 檀萃滇海虞衡志滇南兔亦多白兔且爲人家所
養但穿房地爲厭耳

竹鬪 檀萃滇海虞衡志穴竹林者爲竹鬪亦兔類也
肉肥美皮亦可爲袖以禦冬也

猿猴 檀萃滇海虞衡志猿與猴爲一類范志言猿不
言猴滇南有玉面猿出廣西府范志獨金絲玉面難
得猿長臂善嘯而猴不能各省俱多不必滇也

熊 檀萃滇海虞衡志熊類至多有馬熊人熊豬熊狗
熊滇南多有之予嘗至農部湯郎馬躡廠其地多熊

仰視大栗樹其大枝墜地盈堆熊嚙而墮之以食其實但人所獻熊膽熊掌餘則無所用不聞取其皮

蠱

楊慎升庵外集隋書志云江南之地多蠱以五月

五日聚百種蟲大者至蛇小者至蝨合置器中令自相啖存者成蠱其毒食入人腹內食其五臟死則其產移蠱主之家若盈月不殺人則蓄者自踵其害累世相傳不絕自侯景之亂殺戮殆盡蠱家多絕既無主人故飛游道路中之則殞焉今此俗移於滇中每遇亥夜則蠱飛出飲水其光如星鮑照詩所謂吹蠱痛行暉也

普洱府志稿

卷之十九

食貨志六

物產

六

巖蜂

檀萃滇海虞衡志

在九龍江外毒螫若崑崙之

欽原行者畏其蠶每迂道而避之康熙中江西某爲武官於蠻蠻來攻切閉城不出載巨箱數十車當蠻來路蠻見發之皆紅綠布片綫纈諸物爲蠻婦所喜者歡呼而去蠻貪得無厭居數月偵又欲來乃裝箱加倍陳於路蠻利漢貨爭發之則盈箱皆巖蜂迸出螫蠻蠻死且過半其王怒率傾國之蠻盡出來報復又爲箱加倍陳於路王以爲巖蜂爭投炬焚之萬礮齊發聲震大地王及羣蠻殲焉王妻美而善戰率諸蠻女來復夫仇索戰甚急某威服登城諭其來歸妻

亦念國亡王死無以爲也且悅某美因歸於某某辭
 官回與之偕老焉則知善用此蜂者能螫蠻立功但
 不知採之之法用何術也乾隆閒川客載十九騾經
 巖下蜂螫之盡死客子聞父邁此難誓傾家除其禍
 走告普洱官官憐其志爲出示禁夷民無阻俾得盡
 所爲乃爲厚布幄數百壯士負幄帶火藥乘夜蜂歸
 穴不出扳崖而上齊投火藥於穴烟焰蔽空但聽穴
 中如千萬爆竹聲壯士匿幄中蜂奔出不得螫迨天
 明聲息穴蜂已盡死餘蜂散去不復歸出密與蠟盈
 巨萬今成坦途客子之功巨矣楚詞招魂稱赤蟻若
 象元蜂若壺茲其若壺之蜂乎

普洱府志稿

卷之十九

食貨志六

物產

七

謹按舊志穀屬尙有紅穀白穀梁菽麻黍稷麥苽稗
 蔬屬尙有瓜筍茄蒜薯白菜茵葱薑椒水苔石華龍
 鬚菜薤芫蘭樹花白森樹頭菜香蕈蒿苣木耳芹菹
 壺野蔓青雞蓼藿香苦菜萊菔茱萸莢蔥姑山藥
 地蘿蔔芥菜莧菜蕨薇甘露子蒿芋小雀花果屬尙
 有梅李桃梨橘栗楊梅蘋果龍眼落花生杏子櫻桃
 碎米果橄欖烏飯子蓮實香櫟滿山香甘蔗枳椇子
 櫻果虎眼果水菱果松子哈果橙山楂馬木果雞
 嗉子多椶櫚木果藤子果刺鼓墩林檎柑子石榴
 子果樹飯豆勃薺花紅枇杷芡梧桐子葡萄胡桃藥
 屬尙有芝蔴鹿脚草何首烏不死草杜衡金銀花地
 草果黃精威靈仙免絲子豆蔻拔毒散貫眾天門冬
 鬱金茯苓山慈姑鈎吻豨簽九古牛地竹鳳尾草白
 頭翁地丁栝蒌使君子淫羊藿芩苳香附子防風石
 藤山蒜薤練子菹蓀荃白龍鬚迎風不動草穀精草
 鷺不食草茹蘆無風不動草牛旁子王不留行黃連
 苦天茄天竹黃芩木賊細辛篇蓄蒺藜一枝花繡球
 薄荷紫蘇仙人掌飯遠志半夏檳榔黃龍尾五加皮鈎

藤地黃冬蟲夏草香蓼石斛長生草當歸寄生草穀
 草屬尚有象鼻草箭筈菜蓼芝蔴星星翠荇苜蓿蒿
 燈心草蘆瓦松王孫草吉祥草茱萸荊樗柳榆刺桐梓棟
 屬尚有松榕柏棘荏桐桑楮樟荆樗柳榆刺桐梓棟
 柑椿漆櫻櫚冬青楊柳菩提樹竹花屬尚有牡丹芍
 藥蘭菊蓮金雀花報春花玉簪花山茶梅七姊妹草
 芍藥薔薇珍珠蘭百合花密蒙花玫瑰扶桑海棠丁香
 石榴鳳仙秋海棠子馬櫻花玉蘭扶桑迎春長春
 花剪秋羅月月紅素馨花瑞香優曇花夾竹桃仙人
 掌葵花石竹雞冠花桂花夜來香槿蕙芙蓉鳳尾鐵
 綫牡丹杜鵑木蘭合歡綫醉茉莉郁李水仙槐剪紅
 絨食屬尚有鮮酒貨屬尚有土綢絲布鵝皮紫膠葫
 蘆笙緬壺緬盒緬琴緬茄車里蓆帽竹坪緬簫禽屬
 尚有慈烏伯勞鴛鴦鷓鴣雉鷓鴣鷓鴣鷓鴣鷓鴣鷓鴣
 鷓鴣杜鵑鷓鴣山呼鷓鴣鷓鴣鷓鴣鷓鴣鷓鴣鷓鴣鷓鴣
 秧雞布穀斑鳩百舌鴉鷓鴣鷓鴣鷓鴣鷓鴣鷓鴣鷓鴣鷓鴣
 知更鳥燕鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣
 狄馬騾廬牛羊風狸狐兔豺狼貓豬鼩鼯銀鼠鱗介
 屬尚有魚曳尾蟹鯉龜鰕鱔鼈蟹貝鯊蚌蟲屬尚
 有螢蟋蟀螳螂蟬蛭蝻蜈蚣蜻蜓蠶蠅蛙皆普洱所
 產實非殊尤姑存
 其名以附於後

普洱府志稿

卷之十九

食貨志六

物產

六